



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Temporum ratio Sacrae Sulpici Severi Historiae & reliquis opusculis
accommodata.

urn:nbn:de:hbz:466:1-11490

Temporum ratio Sacrae S U L P I C I S E V E R I
Historiae & reliquis opusculis accommodata.

| | | | |
|------------|----------|---|-------|
| Ann. Mund. | A | <i>B orbe condito usque ad eluvionem & Noë ex arca egressum sunt anni</i> | 2242 |
| 2242. | | | |
| 3312. | 1. | <i>Ab eo tempore, ad Abrahamum ortum anni sunt</i> | 1070 |
| 3387. | 2. | <i>Idem admonitus à Deo relicta patria venit in terram Chananæorum, ætatis anno</i> | 75 |
| 3817. | 3. | <i>Ab ea Abrahami migratione, in illud tempus quo Hebræi ex Ægypto sunt egressi, anni</i> | 430 |
| 3884. | 4. | <i>Ab eo Hebræorum egressu, ad Iosue mortem, anni</i> | 67 |
| 4303. | 5. | <i>A Iosue morte ad mortem Samsonis, anni</i> | 419 |
| 4405. | 6. | <i>ASamsonis ad quartum Salomonis annum, quo templi prima fundamenta jacta sunt, anni</i> | 102 |
| 4829. | 7. | <i>A quarto Salomonis anno ad captivitatem Babylonicam sub Ieconia Rege cæptam, anni</i> | 424 |
| 5039. | 8. | <i>A primo ejus captivitatis die ad restorationem templi perfectam & Hierosolymorum, anni</i> | 260 |
| 5487. | 9. | <i>Ab eadem templi restitutione ad Christi crucem duobus Geminis Coss. anni</i> | * 398 |
| five 5437. | | <i>vel potius.</i> | 348 |
| 5869. | 10. | <i>Ab iisdem Coss. ad Stiliconem Consulem, anni</i> | 382 |
| seu potius | | | |
| 5819. | | | |

Ex hac tabella cuiusvis intelligere est, quam vere Severus initio Sacrae historiae dixerit, Mundum sua ætate sex pœne annorum millibus fuisse conditum, Quam vero parum consentiant qui rationem temporum investigatam ediderunt, mox ostendam, si prius singulorum capitum rationem paucis reddidero.

Primum igitur auctoris est. Secundum nos ex sacra Bibliorum historia accersivimus, quod reliqua ei ita videantur inniti, ut alioquin nullo modo consent. Inter secundum & tertium aliud medium Sulpicius inserit eo tamen omisso, idem reliquas annorum summas ab Abrahamo in terram Chananæam commigrante, orditur. Quare & nos satis habuimus idem castigare, non etiam in hunc indicem advocare.

Tertium summæ caput cum duobus sequentibus ipsi auctori sese debent: optimeque ea inter se convenire, indicio sunt numeri minores iisdem subservientes.

Sexti vero, ut ab auctore subductum est, ea demum est ratio, ut Heli annis 20. Samuelis & Saulis 38. Davidis ac Salomonis 44. id est, annis 102. utraque proxime superior adjiciatur. Sic enim efficiuntur 588.

In septimo colligendo auctoris verba secuti sumus, nulla habita ratione, dissentanea ne ea sint aliorum scriptis, an minus. Neque enim hoc agimus. Omnium itaque Regum Judæ anni ad unam summam revocati, redeunt ad 424. & menses 6. quorum mensum ea re non fecimus mentionem, quod in proximo item sequenti capite aliquot desiderentur.

Octavi capitis Severus est auctor: neque numeri, quibus Babylo- nicam servitutem & Persarum regna describit, eidem disconveniunt. Soli enim tres menses desiderantur, ut ex septem mensibus Magorum, qui Cambysem trucidarunt: & duobus Xerxis secundi, integer annus redeat. Minime vero hoc loco prætereundum, à Seve- ro aliam longe supputandi viam monstrari, qua & propius mul- to itur, & minor est erratio. Scribit enim Darii, qui Hystaspis filius fuit, regnantis annum 32. eundem esse, qui ab Urbe condita est 260. A quo deinde anno, si, inquit, investigatio Romanorum Consulium non fallit, anni reliqui sunt ad Stiliconem Consulem 888. cui summæ si annos 70. captivitatis Babylonice, 31. Darii: 9. Cam- bysis, 7. menses Magorum, & 32. Darii secundi adjeceris (sunt au- tem 102. & medius) summa nascetur annorum à die captivitatis Ba- bylonicæ ad Consulem Stiliconem, 990. Illud scitum, quod quibus Severus maxime visus est diffidere, iidem minime omnium felle- rint, Consules dico Rom. quorum fastos ceteris omnibus Chrono- graphis certiores esse, solus hic locus fidem faciet. Quot enim annos tum Severus à T. Geganio Macerino & P. Minutio Augurino Cons. ad Stiliconem Cons. numerabat: totidem fere etiam hodie recensent omnes, qui eisdem fastos magno studio & sumptibus restituere atque illustrare enisi sunt, nominatim Hubertus Golzius noster, omnium longe princeps, qui duobus dumtaxat annis Severum nostrum superat numerans annos 890. cujus varietatis, quia item postea occurrit, alio loco & tempore rationem, volente Deo, sum redditurus.

Reliqua duo numerorum capita Auctori sua sunt: atque ut è va- riis auctoribus concinnata, ita quoque à fastis consularibus multum evariant, annis enim 50. eos excedunt. Qui excessus quoniam im- modicus est, & severo Sulpicii calculo indignus, prope abest, ut levi mutatione illum ausim corrigere, & ad annorum numerum cum superiori æqualem reducere. quod facile fiet, si pro cccxcviii. restituamus cccxliiii. tum enim in utriusque summæ reductione neque plures erunt neque pauciores ann. 990.